

lis Gnovis

TARCINT. La sufite di Giuseppe Taliervo



«In Italia sono tanti i luoghi – nelle nostre città, nelle nostre memorie,

nelle nostre coscienze – sigillati e inaccessibili, che invece andrebbero aperti, arieggiati, visitati e finalmente compresi», fra chei puecj e jentre ancje «la mansarda di Tarcento, poco sopra Udine, nella quale per 47 giorni tra maggio e luglio del 1981 fu sequestrato e poi ucciso dalle Brigate Rosse un uomo il cui nome a troppi non dice più nulla: Giuseppe Taliervo». E comence cussi la recension che, su «L'Osservatore Romano» dai 4 di Jugn, Simone Esposito i à dedicât al libri di Pierluigi Vito «I prigionieri» («Augh! Edizioni», 2021). Inzegnâr dal «Petrochimic» di Porto Marghera, Taliervo al jere «un cristiano semplice ed evangelicamente radicale, cresciuto e diventato adulto nella fede nell'Azione cattolica del concilio», ma pai terorisj des «Br» al sarès stât colpe lui dai muarts sul lavôr di chei agns, inte fabriche venite, e ancje dal incuinament ambientâl.

RONCJIS DI MONFALCON. Il paisaç seont i Ecomuseus

Dai 21 ai 25 di Jugn, la Rêt dai Ecomuseus d'Italie e propon la «Setemane dal Paisaç dai Ecomuseus talians», par pandi che paisaç al vûl di benstâ, resilience, partecipazion, diversitât, economie circolâr e transmission. Ducj chescj valôrs a saran profundits intant dai «webinar», inmaneâts dal grop di coordinament dai Ecomuseus, ch'al rapresente ancje 4 realtâts furlanis: l'Ecomuseu des Dolomitis «Lis Aganis», l'Ecomuseu des Aghis dal Glemonat, l'Ecomuseu dai Mistîrs di Paulâr e l'Ecomuseu dal Lusinc e dal Cjars di Roncjis di Monfalcon. Sul teritori, ogni realtât s'impromet di celebrâ il L inovâl dal concet di «Ecomuseu» cun spazzadis, dibatiments, campagnis di sensibilizazion e conseis pal paisaç (<https://sites.google.com/view/ecomuseiitaliani/home>).

BIELLA. Confront fra citât e montagne

La Comission internazionâl pe protezion des Alps, «Cipra», e fasarà la sò convigne anuâl a Biella, ch'è je stade nomenade «Citât alpine» pal 2021. Il confront su lis disfidis e sui ecuilibris gnûfs ch'a coventin fra montagnis e citâts al è programât dal 1 ai 3 di Lui. In specialitât, s'intint di resonâ sul valôr dai servizis ecosistemics e su l'impurtance dal capitâl naturâl pe regjon alpine europeane. Il program al è bielzà publicât tal lûc internet www.cipra.org/it/ca2021.

MONTREAL. Energjie, monuments, nature

Domenie ai 20 di Jugn, ator par dutis lis vilis dal Cumon di Montréal, si fasarà la seconde edizion de «Ex tempore» di piture «Energia Monumenti Natura», progetade dal Circul «Per le antiche vie», cul jutori des «Pro loco» di Montréal e di San Lenart di Campagne. I artiscj a saran in vore fintremai a 15.30, sparniçâts ator par Montréal, Gris, Malnins e San Lenart. A 18, e sarà fate la premiazion li da dal parc «Ai Noci» di Gris. Il fin de manifestazion al è chel di promovî lis bielecis naturâls dal teritori.

Miercus 16	S. Aurelian vescul	Domenie 20	S. Etor martar
Joibe 17	S. Rainîr eremite	Lunis 21	S. Luîs Gonzaga
Vinars 18	S. Marine vergjine	Martars 22	S. Nicêt di Aquilee
Sabide 19	Ss. Gjervâs e Protâs m.	Il timp	Soreli plen.



Il soreli
Ai 16 al iève aes 5.15 e al va a mont aes 21.



La lune
Ai 18 Prin cuart.

Il proverbi
Ogni jerbe e à la sò lidris.
Lis voris dal mès
Tratât lis plantis di pomodoro za grandis cuintri lis malatis e, se indi son masse, gjavait lis menadis.

Une identitât mondiâl

Al torne a Cividât il proget educatîf «Studiare in Friuli»



Un trop dai passe 400 fis di emigrants ospitâts di Convit «Paolo Diacono» e di «Friuli nel Mondo»

Al finis 20 agns il proget educatîf par students de scuele secundarie di secont grât da la Diaspore furlane «Studiare in Friuli». Il Convit statâl «Paolo Diacono» di Cividât, cu lis sôs scuclis superiôrs, tal mès di Setembar cu ven, al tornarà a vierzi lis sôs puarts par altris 12 zovins dai 15 ai 17 agns. I fis fortunâts de emigrazion regionâl ch'a podaran vivi cheste esperience formative speciâl, ch'è torne a partî daspò de parentesi causonade dal Covid, a saran sielzûts fra chei ch'a varan presentât la sò candidature drenti dai 28 di Jugn, seont il regolament publicât tai lûcs internet dal Convit cividalin e dal Ent «Friuli nel Mondo», ch'a organizin il proget in convigne. Lis finalitâts e il valôr educatîf e culturâl de propueste a son stâts popolarizâts par dut il mont, ai 3 di Jugn, intant di une convigne «Facebook» de retore Alberta Pettoello e dal president de rêt internazionâl dai «Fogolârs furlans», Loris Basso (<https://fb.watch/5UkNkgSrfQ/>). In 20 agns di vite, «Studiare in Friuli» al à za puartât te Patrie dai vons, passe 400 zovins, natifs di 15 Paîs de Diaspore: Argentine, Australie, Belgjiche, Brasil,

I students de Diaspore a podaran dâsi in note fintremai ai 28 di Jugn

Canadâ, Cravuzie, Ecuador, Gjermanie, Mexico, Olande, Panamá, Perù, Rumenie, Uruguay e Venezuela. Il sucès dal proget al à stât favorit de colaborazion di ents e d'istituzions come Region, «Fondazione Friuli», Cumon di Cividât e «CiviBank», ch'a àn daurman ricognossût il valôr de propueste dal Convit e dal Ent «Friuli nel Mondo», tant pal aspjet educatîf e didatic che come imprest valevul par infuarti i leams cui furlans pal mont. I students ametûts – e à sclarit la retore dal Convit, Pettoello – «a saran companâts di un insegnant «tutor» parom e dai educadôrs dal

Convit, in mût di rivâ a realizâ un proget formatif individualizât, che ur permetarà ancje di fâ une ricerce su la storie e su lis lidris de sò famee, visitant lûcs de memorie significatîfs e archivis storicis». Vie pal an scolastic, a saran inmaneadis occasions di visite e di confront cu la realtât furlane e cun ch'è taliane, tal respjet des regulis su la mobilitât internazionâl dai students, par garantî il ricognossiment dal percors di studi ancje tai Paîs di divignince. Di simpri incà, i protagoniscj dal proget «Studiare in Friuli» a pandin, cu lis sôs fameis, grande sodisfazion pai risultâts di un'esperience ch'è ufriis una cognossince inzornade de culture e des lidris de Patrie dai vons. Cun di plui, la presince dai students de Diaspore e rapresente un valôr speciâl, pes scuclis dal Convit di Cividât, pal fat che «i scambis e i confronts a favorissin la difusion de dimension internazionâl da l'istruzion».

Mario Zili

Il Tierç setôr si confronte cul «Pnrr»

Ancje il Tierç setôr al intint di jessi protagonist dal «Plan pe riprese e pe resilience», finanziât de Union europeane par che ducj i Paîs dal continent a puedin saltâ fûr des maseris dal Covid-19. Par chel, il «Forum» al propon une schirie di convignis «on line» di formazion su «Pnrr/Welfare/Tierç setôr» ai 17, ai 22 e ai 28 di Jugn e il I e ai 5 di Lui, a 18, tal cjanâl «YouTube» www.youtube.com/user/forumterzosettore. Si resonarà su puaretât, autosuficiencia, disabilitât, partecipazion civiche, zoventût.

Peraulis in dismentie par cure di Mario Martinis

❖ RISINE

s.f. = pioggerellina fine fine, acquerugiola (etimologia dubbia)
Puarte cun te la ombrene ancje se e je dome risine.
Porta con te l'ombrello anche se è solo la pioggerellina.

❖ RISULTE

s.f. = risultato, risultanza (forma deverbale da risultare, dal latino resultare, a sua volta da saltare, iterativo da saltire)
Cuale ise la risulte di dut chest?
Qual è il risultato di tutto questo?

❖ RIVIEL

s.m. = ribellione; contrarietà di stomaco (voce dotta dal latino rebellis "ribelle, revoltoso", a sua volta da bellum "guerra")
La storie e conte ancje dal riviel dai contadins dal 1511.
La storia racconta anche della ribellione dei contadini del 1511.
Ce riviel di stomi!
Che ribaltone di stomaco!

❖ RIVOCÂ

v. = ringorgare, rigurgitare; (in senso esteso) eccheggiare (dalla voce dotta latina revocare "richiamare, ritrattare, disdire")
No sta dâi lat ai gjats! A rivochin dut!
Non dare latte ai gatti! Rigurgitano tutto!
Sint la vôs che e rivoche!
Senti la voce eccheggiare!

❖ RIVUART

s.m. = riguardo (dal prefisso ri- e dal verbo guardare)
Nol à rivuart di nuie e di nissun.
Non ha riguardo di niente e di nessuno.

❖ ROBARIE

s.f. = furto (dal gotico raubôn, da rauba "bottino")
O viôt i carabinieri...dîstu che sedi stade une robarie?
Vedo i carabinieri...dici sia stato un furto?